

frigore sine indumentis; Tamen ejus imperscrutabili sapientia ita placuit, ut hæc, & omnia alia, quæ in mundo ordinariè operatur, mediatè à se procedant. Imò mysterium redemptio-nis humani generis, cùm ab ipsius omnipotentia immediate absolvi potuisset: Tamen non sine medio, filio videlicet uni-genito, sibi coæterno, humanam naturam, miraculo omnium hominum captum excedente, assumpturo, nosq; per sui ipsius victimam redempturo, perfici voluit. Cum igitur Deus omnia ferè mediatè agat, non quod immediate agere non possit, sed nolit; quid quæso impietatis erit, afferere ipsum hunc inferiorem mundum per superiorem regere & gubernare? ita tamen ut causæ secundæ à prima, cùm libitum fuerit, facile everti possint. Apparet igitur, quām iniquè ordinationi & providentiæ divinæ contradictant, qui astrorum nullam esse afferunt in hæc inferiora influentiam.

II. Ab Experientia.

I.

Nec minus in manifestam experientiam peccant, cui contradicere non est hominis sani judicij. Quis non animad-vertit, diversitatem qualitatum in quatuor anni temporibus ex Solis accessu & recessu, ac ordinario per Zodiaci dodecate-moria transitu provenire? Sic videmus crescente Luna, omnia quæ ejus naturæ analoga sunt, ut cerebrum in animantibus, medullas ossium & arborum, cancerorum & concharum carnes, multaque alia unâ crescere; ipsa verò decrescente, hæc ea-dem imminui. Imò & vastissimi illius Oceani fluxus, atque re-fluxus motui Lunari, quasi per catenam, alligatus est; ut statim oriente Luna, incipiat mare fluere, donec ipsa medium cœli cardinem attigerit; quo tempore id ipsum in occasum usque Lunæ refluit; eandemque vicissitudinem, Lunâ per inferius Hemisphærium transeunte, servat. Hæc tamen omnia fortius & efficacius expediuntur cùm Luna Soli in Novilunio con-jungitur, aut eidem in Plenilunio è diametro opponitur: cir-ca medias verò quadraturas debilius & lentius, ut non sit du-bium, ab utroque motu Lunæ, tam universali, quām proprio, pendere

Causa flu-xus & re-fluxus ma-rini.